

書名 史記一百三十卷 慶長元和間古活字印本

撰者 漢 司馬遷 撰，劉宋 裴駰 集解，唐 司馬貞 索隱，唐 張守節 正義

卷 卷一百一十六

內容分類 史-正史-分刻-史記

索書號 貴重-30

編號 B1112300

[彩色首頁1](#)

[彩色首頁2](#)

[東洋文化研究所漢籍目錄 編號: B1112300](#)

[東洋文化研究所漢籍目錄所藏漢籍善本文影像資料庫 索書號: 貴重-30](#)

[漢籍善本文影像資料庫文本史記一百三十卷 慶長元和間古活字印本](#)

[版權所有: 東京大學 東洋文化研究所](#)

[使用上の注意事項](#)

卷一百一十六



三皇本紀

補史紀

小司馬氏撰并注

小司馬氏云太史公作史記古今君臣宜應上自開闢下迄當代以爲一

家之首尾今闕三皇而以五帝爲首正以大戴禮有五帝德篇又帝世

叙自黃帝已下故因以五帝本紀首其實三皇已還載籍罕備然君

之始教化之先既論古史不合全近代皇甫謐作帝王代紀徐整作

五經皆論三皇已來事斯亦近古一證今並採而集之作三皇本紀

復淺近補闕云

氏風姓代燧人氏繼天而王母曰

失番禺乃反見疑首虺爭勞與遂皆誅兩軍俱辱將率莫侯矣

索隱述贊曰

衛滿燕人 朝鮮是王 王險置都

路人作相 右渠首羗 涉何調上

兆禍自斯 狐疑二將 山遂伏法

紛紛無狀

鮮朝列傳第五十五 史記一百一十五

西南夷列傳第五十六 史記一百一十六

西南夷君長 正義曰在蜀之南 以什數夜郎最大 索隱

曰劉氏數音所具反鄭氏音所主反荀悅云夜郎捷為屬國也韋昭云漢為縣屬牂牁案

後漢書云夜郎東接交趾其地在胡南其君長本出於竹以竹而為姓也○正義曰今瀘

州南大江兩岸協其西靡莫之屬 正義曰在州曲州本夜郎國 蜀南以下

又西也靡非在姚州北去京西南 以什數滇

最大 如淳曰滇音顛顛馬出其國也○索隱曰靡莫夷邑名滇與同姓也崔浩云滇

後為縣屬越雋太守所理也○正義曰昆州郎州等本滇國去京西五千三百七十里也

自滇以北君長以什數邛都最大此皆黠結

耕田有邑聚索隱曰黠漢書作推音真追反結音計其外西自

同師以東韋昭曰邑名也索北至標榆韋昭曰在益州標音葉○正義曰上音標標澤在

標北百餘里漢牂牁縣在澤西益都標非本

桑榆生名為雋昆明徐廣曰永昌有雋唐縣王國也○索隱曰崔浩云雋昆

明二國名韋昭云益州縣○正義曰雋音髓今體州也昆明雋州縣蓋南接昆明之地因

名皆編髮隨畜遷徙正義曰編步典反畜許也又反皆雋昆明之俗也

毋常處毋君長地方可數千里自雋以東北

君長以什數徙徙都最大徐廣曰徙在漢嘉

索隱曰服虔云徙徙二國名韋昭云徙縣在蜀徙縣在越雋○正義曰徙音斯括地志云

徙州本西蜀徼外曰猶羗雋地理志云徙縣也華陽國志雅州邛邛山本名邛徙山故邛

人界自徙以東北君長以什數冉駹最大索隱

曰案應劭云汶江郡本冉駹音亡江反○正義曰括地志云蜀西徼外羗茂州冉州本冉

駹國地也後漢書云冉駹其山其俗或土箸有六夷七羌九蠻各有部落也

或移徙在蜀之西自冉駹以東北君長以什

數白馬最大索隱曰案夷邑名即白馬氏也○正義曰括地志云隴右成州

武州皆白馬氏其豪族皆氏類也此皆巴蜀

西南外蠻夷也始楚威王時使將軍莊蹻正義

日其略反郎州昆州即莊蹻所王將兵循江上略巴蜀黔中

以西莊蹻者故楚莊王苗裔也索隱曰蹻音矩灼反楚莊

王弟為蹻至滇池地方三百里索隱曰地理志益州滇池

縣澤在西北後漢書云其池水源深廣而更淺狹有似到流故謂滇池也○正義曰括地

志云滇池澤在昆州晉寧縣西南三十里其水源深廣而更淺狹有似到流故謂滇池也

旁平地肥饒數千里以兵威定屬楚欲歸報

會秦擊奪楚巴黔中郡道塞不通因還以其

眾王滇變服從其俗以長之秦時常頌音略

通五尺道索隱曰謂機道廣五尺○正義曰括地志云五尺道在郎州顏師古

云其處險阨故道纔廣五尺也諸此國頗置吏焉

十餘歲秦滅及漢興皆棄此國而開蜀故徼

巴蜀民或竊出商賈取其筏馬棘僮正義曰今益州

南戎州北臨髦牛以此巴蜀殷富索隱曰韋

捷為音蒲北反服虔建元六年大行王恢擊

東越東越殺王郢以報恢因兵威使番陽令

正義曰唐蒙風指曉南越南越食蒙蜀枸醬

番音婆徐廣曰枸一作蒟音窳窳窳窳漢書音義曰枸

木似穀樹其葉如桑葉用其葉作醬酢美蜀

人以爲珍味索隱曰案音灼枸音矩劉德

云枸樹如桑其椹長二三寸味酢取其實以

爲醬美小顏云枸者緣木而生非樹也今蜀

土家出枸實不長二三寸味辛如薑不酢劉

說非也廣志云枸色黑味辛下氣消穀窳音求羽反蒙問所從來曰道

西北牂牁江正義曰崔浩云牂牁船棧也

遣莊躡伐夜郎軍至且蘭牂船於步項而戰

既滅夜郎以且蘭有牂船牁處仍改其名爲

牂牁牁江廣數里出番禺城下蒙歸至長安

問蜀賈人賈人曰獨蜀出枸醬多持竊出市

夜郎夜郎者臨牂牁江江廣百餘步足以行

船南越以財物役屬夜郎西至同師然亦不

能臣使也蒙乃上書說上曰南越王黃屋左

纛地東西萬餘里名為外臣實一州主也今

以長沙豫章往水道多絕難行竊聞夜郎所

有精兵可得十餘萬浮船牂牁江出其不意

此制越一奇也。誠以漢之疆，巴蜀之饒，通夜
即道為置吏，易甚。上許之，乃拜蒙為郎中將，
將千人，食重萬餘人。索隱曰：案食糧及錙，重車也。音持用反。從
巴蜀徼關入，遂見夜郎侯多同。蒙厚賜喻以
威德，約為置吏，使其子為令。夜郎旁小邑皆
貪漢繒帛，以為漢道險，終不能有也。乃且聽
蒙約，還報，乃以為犍為郡。蒙率治道，自
犍道指牂牁江。索隱曰：崔浩云：牂牁，船筏，以爲地名。道猶從山，地理志。

夜郎又有豚水，東至南海。四會入海。北牂牁江。蜀人司馬相如亦言

西夷邛笮可置郡，使相如以郎中將往喻，皆

如南夷，為置一都尉，十餘縣屬蜀。當是時，巴

蜀四郡。徐廣曰：漢中巴郡、廣漢、蜀郡。通西南夷道，戍轉相

饒，數歲道不通。士罷餓，離濕死者甚眾。西南

夷又數反，發兵興擊，耗費無功。上患之，使公

孫弘往視問焉。還對言其不便，及弘為御史

大夫，是時方築朔方，以據河。遂胡弘因數言

西南夷害可且罷專力事匈奴上罷西南夷

獨置南夷夜郎兩縣一都尉徐廣曰元光六年南夷始置郵

亭稍令犍為自葆就正義曰令犍為自葆及

元狩元年博望侯張騫使大夏來言居大夏

時見蜀布邛竹杖韋昭曰邛縣之竹屬蜀寶

可作使問所從來曰從東南身毒國徐廣曰

竺漢書直云身毒史記一本作乾毒駟案漢

書音義曰一名天竺則浮屠胡是也○索隱

曰身音捐毒音篤可數千里得蜀賈人市或

聞邛西可二千里有身毒國騫因盛言大夏

在漢西南慕中國患匈奴隔其道誠通蜀身

毒國道便近有利無害於是天子乃令王然

于柏始昌呂越人等使間出西夷西指求身

毒國至滇滇王嘗羌徐廣曰嘗一作賞乃留為求道

西十餘輩歲餘皆閉昆明如淳曰為昆明所

明在今雋州莫能通身毒國滇王與漢使者

言曰漢孰與我大及夜郎侯亦然以道不通

故各自以為一州主不知漢廣大使者還因
盛言滇大國足事親附天子注意焉及至南
越反上使馳義侯因犍為發南夷兵且蘭君
恐遠行旁國虜其老弱索隱曰且音子餘反小國名也後為縣屬
犍乃與其眾反殺使者及犍為太守漢乃發
巴蜀罪人當擊南越者八校尉擊破之會越
已破漢八校尉不下即引兵還行誅頭蘭索隱曰即且蘭也頭蘭常隔滇道者也巴平頭蘭遂平

南夷為犍牂郡夜郎侯始倚南越南越已滅
會還誅反者夜郎遂入朝上以為夜郎王南
越破後及漢誅且蘭邛君并殺笮侯并駝皆
振恐諸臣置吏乃以邛都為越雋郡笮都為
沈犁郡并駝為汶山郡應劭曰今蜀郡岷江廣漢西白
馬為武都郡上使王然于以越破及誅南夷
其威風喻滇王入朝滇王者其眾數萬人其
旁東北有勞漫靡莫皆同姓相扶未肯聽勞

漫靡莫數侵犯使者吏卒元封二年天子發
巴蜀兵擊滅勞漫靡莫索隱曰二國與滇王同姓以兵臨
滇滇王始首善以故弗誅滇王離難西南夷
舉國降請置吏入朝於是以為益州郡賜滇
王王印復長其民西南夷君長以百數獨夜
郎滇王受王印滇小邑最寵焉

太史公曰楚之先豈有天祿哉在周為文王
師封楚及周之衰地稱五千里秦滅諸侯唯

楚苗裔尚有滇王漢誅西南夷國多滅矣唯
滇復為寵王然南夷之端見拘醬番禺大夏

杖邛竹西夷後掄剽分二方

史記音義曰音
剽○索隱曰音

謂被分割也剽音正妙反言西夷後被掄
剽遂剽居西南二方各屬郡縣剽亦分義

為七郡

徐廣曰犍為牂牁越雋益
州武都沉黎汶山地也

索隱述贊曰

西南外徼

莊蹻首通

漢因大夏

乃命唐蒙

勞漫靡莫

異俗殊風

夜郎最大 邛笮稱雄 及置郡縣
萬代推功

西南夷列傳第五十六 史記一百一十六





不 許 複 製

NOT TO BE REPRODUCED

東京大学東洋文化研究所